



MFA-BA-OUN

07/1-21-05-4-int-12501-8/14

Sarajevo, 21.07.2014.god.

Z A B I L J E Š K A

o razgovoru dr. Zlatka Lagumdžije, Zamjenika predsjedavajućeg Vijeća ministara i Ministra vanjskih poslova Bosne i Hercegovine sa predstavnicima civilnog društva u Bosni i Hercegovini
(Sarajevo, 21.07.2014.god. u 10.00 sati)

Sastanak iniciran od strane dr. Zlatka Lagumdžije, Zamjenika predsjedavajućeg Vijeća ministara i Ministra vanjskih poslova Bosne i Hercegovine

Osnov za sastanak/najavljene teme:

- Uključenje predstavnika civilnog društva u Bosni i Hercegovini u proces monitoringa i transparentnosti raspodjele svih vidova pomoći Bosni i Hercegovini nakon održane Donatorske konferencije (Brisel, 16.07.2014. godine)

Sastanku prisustvovali: g. Eldin Karić, Antikorupcijska mreža Account, g. Adis Arapović, Centri civilnih inicijativa, g. Damir Mehmedbašić, Centar za zastupanje građanskih interesa, g. Emir Đikić i gdja Ivana Korajlić, Transparency International, g. Ermin Zatega, Centar za istraživačko novinarstvo te savjetnici Ministra Danijela Babić i Almasa Bajrić i savjetnici u Ministarstvu vanjskih poslova Bosne i Hercegovine Muaz Dedajić i Emin Čohodarević.

* * *

U uvodnom izlaganju Ministar Lagumdžija upoznao prisutne sa rezultatima Donatorske konferencije, na kojoj su predstavnici preko 80 država i međunarodnih organizacija obećali pomoć Bosni i Hercegovini u iznosu od 809 miliona eura.

Istakao da je prioritet da se pledirana sredstva što brže stave na raspolaganje, a također da se kod kreditnih sredstava ubrza procedura (ratifikacija etc). Naglasio važnost potrebe da institucije Bosne i Hercegovine u ovom procesu rade brzo i transparentno, da se što efikasnije transferiraju sredstva između različitih nivoa vlasti (npr. transferi sa entitetskih vlada na lokalne zajednice).

Na primjeru Tuzle istakao potrebu ubrzanja i uspostave efikasnijih procedura tako da npr. opština može dodijeliti besplatno plac i dozvolu porodicama koje su izgubile svoje domove zbog klizišta.

Istakao da će Ministarstvo vanjskih poslova BiH biti apsolutno transparentno u tom pogledu i da će učiniti transparentnim sve dostupne informacije.

Naglasio značaj izgradnje povjerenja i pozitivnog imidža. Kao prioritetne oblasti koje trebaju biti obuhvaćene hitnim mjerama do izvještajne konferencije, koja će biti održana u januaru/februaru 2015 naveo izgradnju kuća i smještajnih kapaciteta za građane pogođene poplavama, jer, za npr. razliku od Srbije gdje je šteta priouzrokovana poplavama mahom na državnoj imovini,(rudnici etc), većina štete u Bosni i Hercegovini je izazvana u privatnom sektoru.

U procesu raspodjele pomoći mora se uspostaviti kriterij pravičnosti, mehanizam implementacije nije konsolidiran, netransparentnost bi imala negativne posljedice i po implementaciju do sada učinjenog.

Adis Arapović, CCI, se interesirao da li VM BiH može uspostaviti jedinstvenu metodologiju, naglasio da nije potrebno dostavljati paket informacija za organizacije civilnog društva, već da se informacije učine dostupnim svim građanima, jer kad svi građani imaju informaciju da mogu dobiti pomoć od države, oni će u toj situaciji i reagovati.

Damir Mehmedbašić, CPI, istakao da je aktivan portal poplave .ba na koji građani BiH mogu prijaviti sve što je vezano za poplave, tako da je moguće i tim putem vršiti monitoring.

Eldin Karić, Account, osnovni princip je maksimalna transparentnost, tj. transparentna evidencija stanja.

Ljudi ne znaju svoja prava. To je osnov za korupciju. Potreban je efikasan mehanizam za kontrolu nepravilnosti.

Emir Đikić, TI, naglasio da je monitoring u vrijeme postojanja Sektora za rekonstrukciju u MVP BiH radio IMG u saradnji sa Svjetskom bankom i MVP BiH i da je to bio dobar recept. Naglasio da je Transparency International zainteresovan za monitoring na svim nivoima. Istakao da TI nije zainteresovan da učestvuje u donosenju odluka, i da bude u zajedničkim timovima, ali je naglasio da je spreman staviti na raspolaganje sve resurse.

Ivana Korajlić, TI, naglasila da smatra za bitno da se objavi informacija o tome šta su krediti, šta su grantovi, šta će građani dobiti, od koga mogu dobiti pomoć, kome se trebaju obratiti, da je bitno sve informacije na svim nivoima da se objave.

Ministar Lagumdžija istakao da je nužno povjerenje, te da, ukoliko se stvori atmosfera nepovjerenja i opšte krađe, šanse za uspješnu implementaciju pomoći su minimizirane.

Cilj je da se hitno pravilno, dostupno i transparentno implementira pomoć građanima,

UN i Evropska komisija imaju najbolje podatke. Potrebno organizovati sljedeći sastanak sa ključnim činiocima EC/WB/UNDP, uključujući i EIB i EBRD.

* * *

Predloženi redoslijed aktivnosti od strane MVP, je sljedeći:

- Cilj je da se:
Hitno, pravilno, dostupno i transparentno implementira pomoć građanima

1. Ministar vanjskih poslova Bosne i Hercegovine će održati sastanak sa predstavnicima EU/WB/UNDP u svrhu razmatranja modusa za obezbjeđivanje što većeg nivoa transparentnosti u procesu implementacije donatorskih sredstava.

2. U komunikaciji sa predstavnicima EU/WB/UNDP Ministarstvo vanjskih poslova Bosne i Hercegovine će zatražiti detaljan izvještaj o štetama, odnosno mogućnost korištenja podataka iz eventualne baze podataka EU/UNDP

3. Ministarstvo vanjskih poslova Bosne i Hercegovine će na web stranici MVP BiH, a u svrhu realizacije ciljeva transparentnosti koji korespondiraju sa principima međunarodne inicijative „Partnerstvo za otvorenu vlast“, prezentirati sve do sada realizirane aktivnosti, kao i sve dostupne informacije, uključujući:

- Tabele Kriznog tima o aktivnostima koje su išle preko MVP Bosne i Hercegovine;
- Sveobuhvatni izvještaj MVP o dosadašnjim aktivnostima koji je prosljeđen na VM i PSBiH
- Izvještaj EU/WB/UNDP o štetama i potrebama Bosne i Hercegovine nakon poplava

Prema informacijama kojima trenutno raspolazemo, izvještaj sa donatorske konferencije o pojedinacnim donacijama ce biti zvanicno poznat 24.jula.

* * *

Zabilješku sačinio: Muaz Dedajić, savjetnik

DOSTAVLJENO:

- Kabinet MVP BiH (01),
- Kabinet ZMVP BiH (02);
- Ured sekretara MVP BiH (03);
- Pomoćnicima MVP BiH (06, 07, 08);
- Ministarstvu finansija i trezora BiH;
- 07, Odsjek za ekonomsku multilateralu;
- Ured za odnose sa javnošću;
- Arhivi.